

La carta de San Judas

Dios í beseanare San Judas í papera cõare gaye

¹Ñati yu ñarã mua. Yu ña Judas Jesucristore moa ïsiri masu. Santiago ocabaji ña yu. Dios í beseana ña mua. Ito bajiri adi muare papera cõa yu. Mani Jacu Dios buto maiami manire. Ito bajiri Jesucristo ñarã mani ñatĩñatoni, manire codeami Dios. ²Muare yiarí ado bajiro Diore senia yu: “Ínare ti maicõri ñnare queno ejabuaya. Ñna ya usijũ queno sajari oca cuti quenaroca yiya. Ito yicõri ñna gãmeri ti mairoca yiya”, ya yu Diore, muare yiarí seni ïsigũ.

Ado bajiro riasoama ruore masa, yire gaye

(2 Pedro 2.1-7)

³⁻⁴Yu ñarã Dios í masoana ña mani. Manire í masore gaye oca muare riaso remorocu muare papera cõa ãmoboja yu. Ito bajiro ãmobjaguti gaje oca tuocõri, gaje gaye oca ucarũjagũja yu muare. Mua masibitibojarcati ruore oca riasori masa ñarãji mua wato. “Riojo Dios oca riasoa gũ”, yi ruorãji ñna. Diore rucubobiticõri ado bajiro ruore oca gotirãji ñna: “Manire ti maicõri jeyaro mani ñeñaro yirisere ãcabojañi Dios. Ito bajiri mani ya ruju ñeñaro iti tuoĩaro bajiroti yiana mani. Manire waja senibiquĩji Dios”, yi ruorãji ñna. “Jesucristore mani cudibeja, no yíbea. Í sigũ meje ñami mani uju”, yi ruorãji ñna. Ñnare tuoĩa yugũ ado bajiro yiyijũ Dios: “Ruori masare ruyuriocũja yu”, yiyijũ Dios, jane mejeju. Ito bajiri ñnare tuobesa, yu ñarã mua. Jane mejeju í ocare cũyijũ Dios, Jesucristore mua tuorũnutoni. Ito bajiri ñre tuorũnucõri, Dios ñarã ña mua ïja. Ñre tuorũnu jidicãbiticõri buto basa Jesure tuorũnũrũja muare. “Ito bajiro yirũja manire”, mua yi tuoĩa oca seõtoni adi muare papera cõa yu.

⁵Jane mejeju Israel sita gãnare Dios í ejabuarise gaye oca tuogoana ña mua. Ito bajibojarcati mucana itire mua tudi tuoĩatoni goti ãmoa yu. Tuote mua. Jane mejeju Egipto sitajũ ñna ñaroca Israel sita gãnare masoyijũ Dios. Ñna rudi masitoni

ĩnare tũayijũ Dios. Queno ĩnare ĩ masobojarocati, coriarã ĩre tuorũnũbisijarã ĩna. Ito bajiri ĩre tuorũnũbitianare ruyuriroyijũ Dios. ⁶Ángel mesa bajigore gaye mũare gotigu ya yũ. Tũoĩate mũa. Jane mejeju Diore moa ĩsiri masa ñabojarãti jãjarã ĩre cudi ãmobisijarã ángel mesa. Dios rẽtoro masi ãmobjayijarã ĩna. Ito bajirã ĩna ña ãmojare rãitũaroju ĩnare cũyijũ Dios. Ito bajiri ĩna ñeñaro yirise waja, waja ĩ seniroti rũmũ riojua itoju riti ñarã yirãji ĩna maji. ĩ waja seniri rũmũ ejaroca buto busa tũbujarã yirãji ĩna. ⁷Ĩna robo ñeñaro yiyijarã Sodoma gãna, Gomorra gãna cuni. ĩna bajigore gaye mũare gotigu ya yũ. ĩnamasiti ĩna ya rujũ ñeñaro iti tũoĩaro bajiroti ñeñaro yi wuyijarã ĩna. Romia rãca ĩna yibojare jidicãcõri, ĩna mũmũ comasiti yi wuyijarã ĩna. ĩna ya cutori tu gãna cuni ito bajiroti ñeñaro yi wuyijarã. Ito bajiro ĩna yija ticõri, ĩnare ruyuriorocũ jea queoyijũ Dios. Iti oca tũocõri, “Jeame mũjuroju uatĩnarã yirãji ñeñaro yi wuyari masa”, yi tũoĩarãji masa jeyaro.

⁸Itire tũo masibojarãti, jane mejeju gãna ñeñaro ĩna yigoado bajiroti yama ĩnaõna, rũore oca riasori masa. Buto ñeñarise ĩna cãija bero, ĩnamasiti ĩna ya rujũ ñeñaro iti tũoĩaro bajiroti ñeñaro yama ĩna. Ujarãre cudibeama ĩna. Ito yicõri ũmacũju ujarã ñasarãre rũcũbũobiticõri, ĩna rotirisere aja tudiana ĩna. ⁹Miguel wame cutigu ĩ bajigore gaye mũare gotigu ya yũ. Gãjerã ángel mesa rẽtoro ñasagũ ñayijũ ĩ. Ñasagũ ñabojagũti rũmũa mũ Satanãsrẽ aja tudibisijũ ĩ. Tũote mũa. Ado bajiro baja ito oca. Jane mejeju Moisés ñayorũ ĩ godaja ticõri, ĩ ya rujũre ãmi ãmoyijũ Satanás. Ito bajiro ĩre ãmocõri Miguel rãca gãmeri busibojayijũ ĩ. Ito bajiro ĩ senija tũocõri, “Ñeñaro yi jaigu ña mũ. Jaje seti ña mũre”, yibisijũ Miguel Satanãsrẽ. Ñeñaro busi ãmobisijũ Miguel. Ado bajiro riti yiyijũ ĩ: “Diomasiti mũre waja senigũ yiguĩji”, yiyijũ Miguel rũmũa mũjũre. Miguel robo bajiro bajibeama rũore oca riasori masa. ¹⁰Ĩnama Dios gayere tũo masimena ñari itire aja tudiana ĩna. Waibũcurã robo tũo masibeama ĩna. “Ija ado bajiro rẽtaro yiroja yũre”, yi tũoĩa masibiticõri, cojisiti ĩna ãmoro bajiro riti yama ĩna. Ito bajiro ĩna yija ticõri, rũore oca riasori masare ruyuriogũ yiguĩji Dios.

¹¹Bũjato bajiro yiroja ĩnare ija. Caĩn ñayorũ, Diore ĩ cudibitiado robo bajiro Diore cudibeama ĩna cuni. Ito yicõri Balaam ñayorũ niyerure bũja ãmosacõri, ĩ ñeñaro yiado robo bajiro ñeñaro yama ĩna cuni. Ito yicõri Coré ñayorũ ujarãre ĩ cudibitiado robo bajiro cudibeama ĩna cuni. Coré ñayorũ ĩ cudibejare ĩre ruyuriroyijũ Dios. Ito bajiroti mũa tu rũore oca riasorãre ruyuriogũ yiguĩji Dios. ¹²Diore rũcũbũorona mũa minijuaa mũa rãca cocati minijuaabojama ĩna cuni. “Diore cudirã ña gã”, yibojarãti ĩna ãmoro bajiro riti yama ĩna. Mũa rãca sigũ robo bajiro uci cutirã meje ñama ĩna. Ricati tũoĩacõri ñeñarisere tũoĩama ĩnaõna. Ñe waja mana ñama ĩnaõna. Tũote mũa. ĩnare tũoĩagũ ado bajiro goti masiore ocana mũare gotigu ya yũ. Buto asiri rũmũ ide buerire ti ãmarã yirãji mani, ide ãmorã. Ito bajiro mani ti ãma rũgõroca ide buerire mino iti wẽa rẽtoja, bojori bũjarã yirãji mani, ide ãmobjarã. Ito bajiroti manire rũore oca ĩna riasoja ñe manire ejabũbetoja iti. Rũore oca riasori masare tũoĩagũ mũcana goti masiore ocana mũare gotigu ya yũ. Yucũ rica cutirijũ ba ãmorã ãmarã yirãji mani. Yucũ tu

ejacōri rica manigũ iti ñaja bojori bujarã yirãji mani. “Ñe waja ma adigu”, yicōri quẽarã yirãji mani. Ito bajiri juaji rica cutibetoja itigu ija. Ito bajiroti ñe waja mana ñama ñna rwoore oca riasori masa. Riojo Dios oca gotibeama ñna. Ito bajiri ñnare ruyuriogu yiguuji Dios. ¹³Ide bũto jacũja weri somo ñaro yiroja tũnimaju. Iti robo bajiroti ñama rwoore oca riasori masa. Neñarisere bũto tuoĩacōri, ñeñarise yama ñna. Jane mejeju ũmacũju ñocōare cũyiju Dios. Ito bajiro i cũana ñabojarãti i cũrajũ ñna jidicãja rãitĩaroju quedirã yirãji ñna. Ito bajiroti bajiama rwoore oca riasori masa. Dios oca quenarisere jidicãcōri, rwoore oca riasoama ñna. Ito bajiri bũto rãitĩaroju cōagũ yiguuji Dios ñnare. Ñnare tuoĩagũ ado bajiro yiyiju Dios: “Ñeñaro yiri masare rãitĩaroju ñna ñatĩnãtoni ñnare cōagũ yigũja yũ”, yiyiju Dios, jane mejeju.

¹⁴⁻¹⁵Queno tuoja yũ ñarã mũa. Enoc ñayoru i bajigore gaye muare gotigu ya yũ. Adán janerãbatia co ãmojeno ñarã bero gagũ ñayiju Enoc. “Ado bajiro rẽtaro yiroja, rwoore oca riasori masare”, yirocu ado bajiro gotiyiju Enoc ñayoru: “Co rũmũ mani Uju tũdi ejagu yiguuji jãjarã ángel mesa rãca. Tũdi ejacōri masa jeyarore ñna ñeñaro yirise waja, waja senigũ yiguuji i. Diore cudibitigoanare ruyuriogu yiguuji, ñna ñeñaro yirise waja, waja yigu. Ito yicōri, ire rũcũbũobiticōri ñna ñeñaro aja tudire waja bũto tũbujarã yirãji ñna”, yi goti yuyiju Enoc ñayoru. ¹⁶“Quenabeto”, yisotiana ñnaõna rwoore oca riasori masa. Mani ujarã rotirisere ti tujabeama ñna. Ñna ya ruju ñeñaro iti tuoĩaro bajiroti yama ñna. Coji meje “Rẽtoro masigũ ña yũ”, yisotiana ñna. Ito yicōri, ñna ãmoro robo bajiro yirona gãjerãreama queno goti rwoama ñna.

Cristore masirãre goti quenore gaye

¹⁷Yũ ñarã mani Uju Jesucristo oca goti ucutoni i cũana ñna gotirisere ãcabojabesa mũa. ¹⁸Ado bajiro gotiyijarã ñna: “Adi macãrucũro jediroto riojua Dios ocare aja tudiri masa ñarã yirãji. Diore rũcũbũobiticōri, ñna ya ruju ñeñaro iti tuoĩaro bajiroti ñeñaro yi uyarã yirãji ñna”, yiyijarã Jesucristo oca goti ucuri masa. ¹⁹Adi sita ñeñaro yire yi uyarã ñama ñnaõna, rwoore oca riasori masa. Espĩritu Santo quedi sãjagoana meje ñama ñnaõna. Ito bajiro bajirã ñari Jesure tuorũnrãre sigũre bajiro ñna ya uwi tuoĩabitiroca yi codeama ñna.

²⁰Yũ ñarã ñna robo bajiro yibitirũja manireama. Dios oca quenarisere tuorũnrã ñari adi sita ñeñaro yirã robo yibitirũja manire. Maniama Jesucristore bũto bũsa tuorũnu oca sãorũja manire. Ito yicōri Espĩritu Santo i ejabũarisena Diore bũsisotirũja manire. ²¹Dios rãca sigũ robo bajiro uwi cuticōri i ãmoro bajiroti yirũja manire. Ito bajiro mani yija, “Yũre bũto maiami Dios”, yi tuoĩasotirã yirãji mani. “Manire ti maicōri, i rãca mani catitĩnaroca yigu yiguuji mani Uju Jesucristo”, yi tuoia yucōri guibeama mani. “I yicãdo bajiroti, i rãca catitĩnãgũ yigũja yũ”, yi tuoĩacōri wanũa mani.

²²Jesure tuorũnu sãomenare Dios oca goti masiorũja mani ñnare. Ito bajiro mani gotija tũocōri, “Aũ, ito bajiroti ña”, yicōri, bũto bũsa Jesure tuorũnu oca sãorã yirãji ñna. ²³Jesure masimenare Dios oca gotirũja

manire. Dios oca t̄uoc̄ōri ña t̄uor̄ũñja jeame ñjuroj̄u wamenaji ña, jeame ñjuroj̄u waboana ñabojar̄ati. Ḡajer̄ã ña ya ruj̄u ñeñaro iti t̄uoīaro bajiro yir̄are ti mair̄uja manire. Ñnare ti maibojar̄ati queno t̄uoīar̄uja manire, ña robo mani ñeñaro yibe yirona.

Judas Diore ĩ r̄uc̄ub̄uore gaye

24-25 Itire t̄uoīac̄ōri Diore r̄uc̄ub̄uor̄ã ado bajiro busir̄uja manire: “Dios m̄u siḡũti ña r̄etoro masi r̄etoc̄ũḡũ. Ñim̄u ḡaji m̄u robo bajiro masiḡũ mami. Gua Ñj̄u Jesucristo ĩ goda ĩsiraj̄una suoriti guare masoyija m̄u. Ito yic̄ōri gua ñeñaro yibitoni guare ejabua masiḡũja m̄u. M̄u rotiroj̄u gua ejaroca, ‘M̄ua ñeñaro yirise waja, waja ruyuriobea m̄ua’, yi ti gotiḡu yiḡuja m̄u guare. Ito bajiri m̄u ñar̄oj̄u ejac̄ōri m̄u r̄aca queno wan̄u quenar̄ã yir̄aji mani. R̄etoro quenaḡũ ña m̄u. Ito yic̄ōri Ñj̄u ñasaḡu ña m̄u. Ñe m̄u masibitigore ma m̄ure. Ito yic̄ōri ñe m̄u roti masibitigore ma m̄ure. Ito bajiro bajiyija m̄u adi mac̄ar̄uc̄ũrore m̄u rujeoroto rioj̄ua. Adi rum̄ari can̄i ito bajiro bajiḡuti ña m̄u. Ito bajic̄ōri ito bajiḡuti ñat̄ĩñaḡũ yiḡuja m̄u”, yir̄uja mani, Diore r̄uc̄ub̄uor̄ã. Itoc̄ō ña.